

KERATAN AKHBAR

(Bahagian Canselori)

Surat khabar: Berita Harian (Varsiti)  
Hari/Tarikh: 31/3/2016  
Muka surat: V3

Tajuk : UNIMAS tingkat tahap keselamatan

## UNIMAS tingkat tahap keselamatan



Prof Mohamad Kadim (dua dari kanan) menyerahkan replika kunci kepada polis bantuan UNIMAS sebagai simbolik penyerahan kenderaan baharu.

**Kota Samarahan:** Universiti Malaysia Sarawak (UNIMAS) melaksanakan lima pendekatan bersepadu bagi meningkatkan tahap keselamatan di kampus termasuk pembelian 22 kenderaan baharu bagi menggantikan aset kenderaan lama.

Naib Canselor UNIMAS, Prof Datuk Dr Mohamad Kadim Suaidi, berkata kenderaan baharu untuk kegunaan Bahagian Keselamatan UNIMAS itu merangkumi dua kereta Proton Preve, lima motosikal Kawasaki Ninja 250cc, dan 15 motosikal Yamaha Lagenda 115cc.

Penyerahan kunci aset kenderaan itu diseumpurnakan oleh Pengurus Lembaga Pengarah UNIMAS, Datu Dr Hatta Solhi di Padang Kawad, DeTAR PUTRA, UNIMAS baru-baru ini.

"Bahagian Keselamatan UNIMAS yang dahulunya dikenali sebagai Unit Keselamatan UNIMAS bukan sahaja berfungsi

sebagai satu agensi keselamatan malah berperanan membantu mencegah jenayah di kampus dan mengawal kesalahan peraturan sekitar kampus.

"Perolehan aset kenderaan baharu ini bagi menggantikan aset kenderaan lama yang sudah 15 hingga 18 tahun digunakan. Langkah ini mampu menambah baik sistem kawalan keselamatan serta meningkatkan tahap kesiapsiagaan, di samping menaikkan imej Bahagian Keselamatan," katanya.

**Pemasangan CCTV**

Prof Mohamad Kadim berkata, empat langkah bagi meningkatkan tahap keselamatan di kampus termasuk menambah anggota Bahagian Keselamatan UNIMAS dengan kekuatan seramai 143 staf untuk mengawal sekitar kampus serta penubuhan Polis Bantuan UNIMAS untuk menguatkuasa undang-undang

serta peraturan dengan lebih teratur.

Selain itu, katanya, seramai 35 pengawal keselamatan UNIMAS diantar menyertai Kursus Asas Polis Bantuan bagi meningkatkan keyakinan dan tahap disiplin anggota serta pemasangan kamera TV litar tertutup (CCTV) baharu di lokasi strategik sekitar kampus.

"Lima inisiatif utama ini adalah lonjakan yang signifikan dalam usaha memastikan kesiapsiagaan Bahagian Keselamatan berkawal dan terus menjamin kesejahteraan kampus ini.

"Dengan adanya lonjakan ini, Anggota Polis Bantuan UNIMAS bukan sahaja berfungsi sebagai mata dan telinga kepada agensi keselamatan yang lain tetapi sebagai pembantu yang efektif dalam mencegah jenayah di kampus dan seterusnya menurunkan kadar jenayah dan kesalahan pelanggaran peraturan," katanya.